

Bájkkeavijssa NuorttaSálto

Girkkogábmá Ájluovtjávrrégáddáj

■ Anna ja Ingar Kuoljok ájggoba girkkogámáv tsieggit doajmmapárkan Ájluovtjávrrégádden.

Tsieggimloahpe le gárves ja dálla vuorddeba desik tille gáhtu ávddál máhtteba tsieggimbargojn álget, mij galga væhkkálakkoj bargaduvvat.

-Manen girkkogámáv?

-Ájádus le gábmá galggá liehket bájkke gánná ulmutja máhtti siettosvuodav gávnna ja ájádallat. Ráfálasj bájkke ájádusájda ja ráhkálvisájda. Danna máhtá identitehtav nannit ja ietjanit oahpástuvvat. Sáhka le identitehta birra ja jut gávnna bájkke gánná besa ietjas láhkáj liehket, subtsastibá da guovtes.

- Girkkogábmá le tjáppabájkken jávrrégádden, 100-200 mehtera váttáldagá milta, danna máhtá gavnat siettosvuodav majt dárbaHIP árggabiejen. -Diehki máhtá boahdet bæjválasj biktasij ja nádudallat lahkavuodav. Váttáldahka sjaddá hiebaduvvat sidjij ma lij juolgijs, subtsastibá álgadiddje.

Ja jur ráfe, identitehta ja aktidit árbbedábev le læhkám jádedimfábmo girkkogámá ájádusá duogen.

-Mij lip vuodov biedjam gábmáj majt lip ávddála tsieggim, árbbedábálasj háme milta, valla unnán stuoráp, subtsas Ingar Kuoljok.

Arvusmahtedum libá svierigabieles, gánná muodugasj girkkogámá gávnnuji. Dálla vuojneba duon dán modellajda ja duodasti girkkogámá ij le biddnustalle ietja girkkojda ja biednagáidjda.

-Sjaddá ienni lasádus gá biddnustalle. Unna bájkásj gá dárbaHIP ietján gá stuor girkkov jali biednagoadev, javllaba. Ja Ingar Kuoljok, guhti barggá advokáhttan subtsas ahte le máhttelisvuohta fiesstit párrajt ma sihti ietjá válda birástagáv.

- Galggá gus tsiekkadus fiesstiduvvat?

- Galggá. Biskoahppa la moalgedam ahte sihtá oassálasstet tsiekkadusá fiesstimin, subtsas Ingar Kuoljok.

Rabás gájkajda

Rabás girkkogámá ájádusáv libá svierigabieles viedtjam.

- Le inep dábálasj dákkir girkkogámáj rijkkarájda nuppe bielen, gánná iejvvi dákkir gámájt gá le várijt vádtsemin.

Girkkogámá tsieggiduvvá sáemmi ájádusá milta ja sjaddá birrusij 30 kvadratmehtera, 5x6 mehtera, javllá Ingar Kuoljok.

-Hiehpá buoragit unnep tjoaggulvisájda, 30-40 ulmutijda, ja álgusbielle hiebaduvvá váj sjaddá sadje ulmutijda tjuodtjot álggolin. Girkkogámá sjaddá rabás gájkajda, javla Kuoljok. Gámá sisbielen sjaddá álltára lágásj ja muorra-vuodná gánná dáhki dállit váj sjaddá bivval. Ja diehttelis lavnnjidum.

Tsieggimbarggo galggá ienemus oassáj væhkkálakkoj dagáduvvat.

-Ep la áhtsám ruhtadárjav ájn, ájádallap tsieggit ietjama barggofámojn ja væhkkálakkoj bargojn, gá tille ednamis



gáhtu, javllaba Anna ja Ingar, ma vuostásjábale subtsastallin ájádusá birra

NRK Sábme Ádásijn ávdep jage javllamáno.

Tæksta: Kitty Skapalen
Járggálibme: Divte Media AS/Jørgen Kintel



Girkkogámá Ájluovtjávrrégádden. Anna ja Ingar Kuoljok ájádallaba tsieggit girkkogámáv Ájluovtjávrrégádden, gánná ulmutja bessi siettosvuodav gávnna ja ganugasstet árggabievjijt. **Kirkegamme ved Dragsvatnet.** Ekteparet Anna og Ingar Kuoljok planlegger å sette opp en kirkegamme ved Dragsvatnet, som folk kan søke til for å finne ro og refleksjon i hverdagen. FOTO fra NRK's sending

Sápmi Business Bootcamp

■ Svieriga Sáme Rijkkasiebrre fálli kursav sáme nissuniida oasesájádusájn Norr- ja Västerbottenin.

Prosjevta namma le Sápmi Business Bootcamp ja Pia Huuva la prosæsajádediddje.

-Sáme nissuna li dájmalattja ja dárbaHI juojddáv barggat ja dáv fálddagáv váj barggo máhtá joarkket ávddálijguovlluj, javllá Pia Huuva.

Bootcampa (majt máhttep buohtastahttet hieredusláhttojn) vihpa vihta bieje Jáhkámáhen 2012 moarmesmánno, gánná oattjo ávddánahttet ietjat ájádusáv, buktajijt jali dievnastusáv. Prosjækta-

jádediddje Ella Carin Blind ja prosæsajádediddje Pia Huuva subtsastibá sjaddi vuosedit ávddánimvuogijt gáhtu oadtjot buorre buktajijt. Pia Huuva subtsas ahte e sjatta barggat vidnudakplánaj ja dokumentaj. Danna sjaddá rahtjamus ja lásjmuodallambiktasa.

- Jus dujna le buorre ájádus majt sidá gehttalit de oattjo dán bootcampan ietjádijis ájádusájt ja oajvvadusájt. Mij jáhkkep ja doajvvop oassálaste juohki átsádallamijt ja værmástagáv váj máhtá

joarkket bargojn.

Sihti sáme nissuna ma oassálassti válddi ájádusáv fáron, valla muhtijn le buorre ierijda biedjat dav ájádusáv ja barggat állu ietjá ássijn, váj oattjo átsádallamijt majt válddá ruopptot ietjas barggij.

-Mijá visjávnná le ahte galggá sjaddat jáhkásasj dáhpádus. Ájnnaamos le ahte sámenissuna máhtti værmástagástisá vijdedit, aktan barggat, oahppat nubbe nuppev dábdát ja vuojnnet gáhtu ávkástallat buoremus láhkáj váj máhtti vuobddet inep buktaga ja dievnastusá majt máhtti fállat, javllá Pia Huuva.

Gálldo: Jokkmokk.se/Oddasat.se